



KOMUNIKADO PA PRENSA

Fecha

17 oktober 2013

Account Manager

Jhanirha Anita

Email

jhanirha.anita@gobiernu.cw

Nr.

DJALUNA 21 DI OKTOBER TUR USUARIO DI WEG NAAR WESTPUNT MESTER USA KAMINDA ALTERNATIVO DI BULLENBAAI

Willemstad – Minister Balborda di Ministerio di Tráfiko, Transporte i Planifikashon Urbano huntu ku Servisio pa Obra Públiko (OW) ta informá komunidat ku djaluna 21 di oktober binidero ta bai laga tur usuario di Weg naar Westpunt usa e kaminda alternativo di Bullenbaai, ku eksepshon di transporte públiko i ambulans.

E trabounan ta kuminsá entre e subida di Kleine Berg te ku algu prome ku e hanchi di Weg naar St. Willibrordus. Ta bai pone e ultimo kapa di asfalt riba un pida di e kaminda. E trabounan aki ta plania pa dura 1 dia.

Den kuadro di e trabounan aki, Servisio pa Obra Públiko ta traha huntu ku Departamentu di Tráfiko di Kuerpo Polisial di Kòrsou pa desviá tráfiko. Usuarionan di Weg naar Westpunt ku ke alkansá e parti entre Daniel i Westpunt lo por hasi uso di e kaya alternativo di Bullenbaai manera e bòrchinan ta indiká.

Minister Balborda ta gradisí tur habitante i usuario di e kareteranan aki adelantá pa nan kompreshon i koperashon durante ehekushon di e trabounan aki. Esakinan sigur ta na benefisio di primariamente e habitantenan, usuarionan i pueblo di Kòrsou en general.

E trabounan aki ta djis unu di e hopi proyektonan mas ku ta parti di e mega-proyekto Inhaalslag di Minister Earl Balborda. Gobièrnu di Kòrsou i Kontratistanan ta traha huntu den e mega-proyekto aki. Ku e kapital ku gobièrnu a alohá, ta bai kubri, den 3 pa 5 aña, 300 kilometer (60 kilometer pa aña) di kareteranan di nos Pais.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook 'Earl W. Balborda, Minister VVRP'.